

INUIT ATAQATIGIIT INATSISARTUNI



7. juli 2021

UKA2021/029

Inatsisartut suleriaasianni § 33 naapertorlugu matumuuna inatsisartunut aalajangiiffigisassatut siunnersuut imaattoq saqqummiuppara:

Meeqqat, inuusuttut inersimasullu akornanni naqinnernik ilisarinnissinnaanngitsut aamma atuarnermik allannermillu ajornartorsiuteqartut pillugit nuna tamakkerlugu iliuusissamik pilersarusiornissamut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut Ilaasortaq Sofia Geisler, Inuit Ataqatigiit)

Tunngavilersuut:

2011-ip ukiaani Naalakkersuisut Inatsisartunit peqquneqarput nuna tamakkerlugu iliuusissamik pilersarusiornissamut. Inuppassuarnut pitsaasumik sunniuteqartussamik siunertalik suliaq 2014-imi unitsinneqarpoq.

Nuna tamaat isigalugu pilersarusiortoqanngitsoorneratigut inuppassuit ajoralu-artumik kalluarneqarsimassapput. Inuussutissarsiutigisinnaasunngorlugu piginnaasaqarlerluni ilinniartitaanernut appakaannissamut aporfissaqarsimassapput, sulilumi taamaassalluni.

Ulloq manna tikillugu nalunaarsorneqanngilaq naqinnernik ilisarinnissinnaanngitsut Nunatsinni qassiunerat¹, meeqqanut naqinnernik ilisarinnissinnaanngitsutut pasitsaanneqartunut misiliutaasartussa q suligineqarani aammalu naqinnernik ilisarinnissinnaannginnermut misiliutaasartussa q kalaallisut inger-

¹ §37 naapertorlugu Naalakkersuisunut apequt nr. 259, 2018

lanneqarsinnaasoq qanorlu annertutigisumik naqinnernik ilisarinnissinnaannginnerup nalilernissaanut atugassiaq suli pigineqarani.² Inuit Ataqtigiinniit isumaqarpugut meeqqat, inuusuttut inersimasullu eqqarsaatigalugit, siusinnaarluni ikiorsiinissaq iliuuseqarfigisariaqaripput.

Inuit naqinninnernik ilisarinnissinnaanngitsut piginnaasamik millisarneqarnerannik ataavartumik atugaqartarput, naqinnerit nipillugu atuarniarnerminni, naqinnernik ataasiakkaarnerminni allanniarnerminnilu ataqtigiissikkuminaatsittartamatigit.

Naqinnernik ilisarinnissinnaannginneq pissutigalugu ikiorserneqarnissamik pisariaqartitsineq inummiit inummut assigiinngittarpoq, ilisarinnissinnaannginneq assigiinngitsumik sakkortussuseqartarmat. Taamaattumik pingaaruteqarpoq naqinnernik ilisarinnissinnaannginneq pillugu inunnut ataasiakkaanut tunngatillugu tamatuma nalilersorluarneqartarnissaa, ikiorsiineq eqqortoq siusinaartumillu pisariaqartoq anguniarlugu.

Periusissiap nuna tamakkerlugu isiginnittup suliarineratigut inuiaqtigiinni akusut ikittuunngitsut pitsaanagerusumik tunngavissinneqarnissaannut aqutissiuussissaagut, inuuniarnikkut atugassarisat pitsaanerulernissaannut tunngavisseeqataassalluta inuillu kiffaangissuseqarnerunermik misigisimalernissaannik pilersitseqataassalluta. Taamaammat Inuit Ataqtigiinniit isumaqarpugut nuna tamakkerlugu isiginnittumik periusissiornissaq pingaaruteqaqisoq pisariaqartinneqaqisorlu.

Qularutissanngilaq inunnut ataasiakkaanut inuiaqtigiinnullumi tamanut pingaaruteqartorujussuummat kikkulluunniit inuussutissarsiutigisinnaasaminnik ilinniakkamik angusaqarsinnaanerat. Tamatumunnga pisariaqartipparput innuttaasut atuarniarnikkut ajornartorsiuteqartut eqqortumik ikiorserneqarnissaat, taamaasillutik ilinniakkamik ingerlatsillutik naammassinnissinnaalernissaat anguniarlugu. Pingaarnertullu; inuiaqtigiinni allat assigalugit paasissutissanut piusunut pissarsinissaminnut appakaassinnaalernermik misigisimalissallutik.

² [Ane Lone Bagger: Naqinnernik ilisarinnissinnaanngitsunut misiliut suliarineqarpoq | Sermitsiaq.AG](#)

Innuttaasut atuarniarnikkut aamma allanniarnikkut ajornartorsiuteqartut ikiorserneqarnermikkut nukittunerulerpata amerlanerit soraarummeersinnaanngussapput ilinniaqqissinnaalerlutik, kingunerissavaalu kalaallit sulii amerlanerusut sulisinnaanngornerat.

Pisortanut aningaasatigut allaffissornikkullu kingunerisassai:

Siunnersuut pisortanut aningaasatigut allaffissornikkullu malitseqassaaq. Taggipparput iliuusissanut pilersaarutip piviusunngortinnissaanut ilinniagartuut aappaa avillugu sulisinneqarsinnaasut 500.000 kronit nalinganut.

Namminersortunut aningaasatigut allaffissornikkullu kingunerisassai:

Siunnersuutip namminersorlutik inuussutissarsiortunut aningaasatigut allaffissornikkullu kinguneqarnissaa naatsorsuutigineqanngilaq.

Innuttaasunut aningaasatigut allaffissornikkullu kingunerisassai:

Siunnersuut naliginnaasumik innuttaasunut aningaasatigut allaffissornikkullu akorngusiinaviannngilaq, innuttaasulli atuarnermut ajornartorsiuteqartut imaluunniit naqinnernik takunnissinnaanngitsut naatsorsuutigisinnaalissavaat tungaviumik iliuusissanut pilersaarut, siunissami ikiuinissamut tungaviumulluartussa. Ikiunissap pineqartup innuttaasut eqqartorneqartut aningaasarsiornikkut atugarissaarnerulersissavai, piginnaasatik nutaat atorlugit soraarummeersinnaalersussaammata ilinniaqqinnissaannut tungavissiumik.